

*11* ENCOMION

*Regia Academia GVSTAViana, qua  
Dorpati est ab Embeccam;*

A verè Magno

Serenissimo & Potentissimo Principe ac Domino,  
DN.

# GUSTAVO ADOLPHO,

Svecorum, Gothorum, Vandalorūq;

Rege; Magno Principe Finlandiæ; Duce  
Esthoniæ & Careliæ; Domino Ingræ, &c.

*DOMINO ET REGE QUONDAM NOSTRO CLEMENTISSIMO,  
NUNC BEATISSIMO;*

Augustissimè & Magnificentissimè fundatae;  
*Et 15. die Octob. Anno 1632. solemnisimè sanctos introductio[n]is  
Natales celebrantia,*

*Quod ipsum,*

**DEO DUCE ATQUE AUSPICE,**

*IN*

*Amplissimo Consessu*

*Dorpati in Auditorio Majori, 12. die Juny, Anno 1638.  
decantabat*

**BOTHVIDUS JONÆ, Hellenius, Süder-  
mannus.**

*DORPATI TYPIS ACAD. Anno 1638.*

*Dr. Petri de Bla*

## Vitam, Incolumitatem & Felicitatem.

**D**Ulcerimè dixit, qui dixit; Mars, comites habeat Musas. Etenim, vigilar ille de nocte, ut cō, quō intendit, mature cum exercitu perveriat; hæ, ut dubitantibus respondant: Illum, buccinarum; Has, gallorum cantus exusserant: Ille, aciem; Hæ, actionem instaurant. Illa cavit, ne urbes, aut castra; Hæ, ne pacifice vivere volentes, quietè eripiantur: Illo, exercitatus est in propagandis finibus; Hæ, in regendis. Ut taceam, quod Mars Arte instructus, non modò, D E O annuente, felicius victoriam acquirat; sed partam, constantius retineat: Non modò robore, sed ratione insimul res magnas gerat.

Intellexit idipsum, Serenissimus & Potentissimus Princeps ac Dominus, Dn. GUSTAVUS ADOLPHUS, Svecorum, Gothorum, Vandalorumq; Rex; Magnus Princeps Finlandie; Dux Esthonie & Careliae; Dominus Ingric &c. Dominus & Rex quondam noster Clementissimus, nunc Beatissimus: qui, licet in tumultibus bellicis pregnatus; à prima etate ad arma esset assuefactus; in iisdem omnibus per etatem esset versatus, & iam penè immersus; atq; ad usus bellicos, commeatu & stipendio maxime egeret. Tamen inter medios tubarum strepitus, Martem, comites habere Musas, Clementissime voluit. Vnde alijs non dicam, inter reciprocos Martis strepitus, ad Academie Vbsalientis amplificationem, ex proprijs bonis hereditarijs, prædia sex & trecenta annuis proventibus integra, nec non octo Decimorum granaria, duasq; moletrinas, præter areolas aliquoc & prata, magnificentissime suppeditavit, & in perpetuam possessionem assignavit. Quin imò, D E O annuente, postquam ab extremo Septentrione, vicitrix arma per Moschoviam, Lithuania, Curlandiam, Semigalliam, Livoniam, Borussia, & totam fermè Germaniam Heroicè dissudisset, & ad Alpes usque protulisset; in Dei ter Opt: Max: gloriam, in incliti Regni Arctoi felix incrementum, Academiam hanc GUSTAVIANAM, que Dorpati est ad Embecam, Sorenissime erexit, Privilegiis ornavit, redicui ex boni proprijs & fundis in Ingria situ, suppeditavit: & id Clementissime voluit, ut Academia hac ad eternitatem floreat, & ex illa non tantum regna & ditiones, sed totus Orbis Christianus, Deo juvante, sua gaudia & incrementa recipiat.

Laudabilem & Heroicum Serenissimi Regis in adornando Marte & Arte imperium,  
ut nos omnes & singuli humilimè deveneramus: Ita, inter flagrantissima armorum  
intendia, quantà Pietate, Regiam hanc Academiam Dorpatensem, magnificientissimè  
erexerat atq; doceaverit, piè secum meditari caput; Pietate, Doctrinā & Humanitate  
Ornatissimus Dn. BOTHVIDUS JONÆ, Hellenius, Südermannus; & doctè atq; me-  
thodice à se conscripta Oratione, hodie horā 12. metidianā, in auditorio majori pro  
concione publice eloqui secum constituit.

Perillustrem & Generosiss: Dominum, Dn. BENEDICTUM OCHSENSTIER-  
NA, L. Baronem in Ekebyholm & Süderbo/ Dominum in Rappien/ ss. Reg.  
Maj. Svecie Archistabularium, per Livoniam & Ingriam Generalem Gubernatorem  
Eccl. Dominum nostrum Gratiissimum, humiliter;

Magnificum Dn. Rectorem, Admodum Rev. Nob. Consultiss. Experientiss. Clariss.  
& Excellensiss. Dn. Patres Academæ, Collegas nostros observanter colendos, revere-  
nter;

Nobilitate Generis, Doctrinā & Humanitate Ornatiss. Dn. Studiosos, amicē in-  
vitatos & rogatos volumus, ut dicto tempore adesse haud graventur. Intelligent,  
Deo benedicente, Serenissimam & Potentissimam Principissimam ac Dominam,  
Dn. CHRISTINAM, Regnorum Sveciæ, Gothiæ, & Vandalicæ Reginam  
Electam & Principem Hæreditariam; Magnam Principissimam Finlandiæ;  
Ducissimam Esthoniæ & Careliæ; Dominam Ingriæ &c. Reginam ac  
Dominam nostram Clementissimam, illud agere Benignissimè & admodum  
Heroicè, ut Mars comites habeat Musas; & in castris Dux exercitus Gloriosissimus,  
velut alter Agamemnon, non modò fortissimos Viros, Ajaci; sed & facundissimos  
& doctissimos, Nestori similes adducat atq; inveniat. Perscriptum Dorpati, i.  
die Junij, Anno 1638.

V. J. G.

humiliter,

V. M. R. & C.

observanter,

V. H. & P.

amicē colens,

Laurentius Ludenius, Holst. Ph. &  
J. V. D. & Professor Iuri, Oratoria & Poësia.

259

Erluistris atq; Generosissime Domine, Dn.  
BENEDICTE OCHSENSTIER NA,  
Liber Baro in Ekebyholm & Süderbo/  
Domine in Rappien/ ss. Regie Majestatis  
Svecie Archistabularie, & per Livoniam atq;  
Ingriam Generalis Gubernator, Eccl. Domina  
Gratiissime:

Magnifice Dn. Rector, Admodum Reverendi, Nobilissi-  
mi, Consultissimi, Experientissimi, Excellentesissimi, Clarissimi,  
omnium ordinum Academæ hujus Patres dignissimi, Studiorum  
meorum Fautores certissimi, Praeceptores omni observantia ac  
bonore unicè colendi:

Tuq; Studiosorum Corona Nobilissima, Ornatissima, de-  
corata & moribus Politissima:

Si quid est in me ingenij, quod sentio quām sit ex- Exordij  
iguum; aut si quā rerum Divinarum ac humanarum  
Scientiā animus meus est imbutus; quam deprehendo,  
quod sit imperfecta; quandō sapientia humana ner-  
vo quasi incisa ita langvet, & contritionis quādam pro-  
pè dixerim labē infecta ita hebescit, ut res obscurita-  
tis quasi nube obductas, difficilius possit videre; Aut  
si quæ virtus animo meo infixa hæret, ab optimarum  
Artium studiis profecta; quæ sola in mortalibus divi-  
na res est, quæ semper animum ad res honestas à tur-  
pibus revocat; quæ Pallas est ea, quam apud Homerum  
Achilles audiendam censet, quam nos tanquam opti-  
mam Ducissimam sequi debemus; Aut si quid in me utili-  
tatis ac frugi & fideli Dn: Praeceptorum informatione

A 3

sedun-

redundare potest; quos habui semper omni Doctrinā  
exultissimos; qui eā saltē gloriā ferebantur, ut  
Disciplinæ suæ me Alumnum ornarent & perpolirent  
diligenter: Harum rerum omnium Serenissimus ac  
Potentissimus Princeps ac Dominus, Dn. GUSTAVUS  
ADOLPHUS, Svecorum Gothorū Vandalorumq; Rex:  
Magnus Princeps Finlandiæ: Dux Esthoniæ & Careliæ:  
Dominus Ingricæ &c. Dominus & Rex quondam no-  
st̄r̄ Clementiss. nunc Beatissimus; jure suo fructum  
ā me repetere debet.

Nam quantum cæteri ad res obeundas, quantum  
ad festos dies, ludorum celebrandos, & quantum ad  
alias voluptates, & ipsam animi requiem conferunt  
temporis: Tantum S. R. Maj. veræ Evangelij luci in  
his terris accendendæ, propagandæ, amplificandæq;  
tribuisse, oculis conspicor, quando Academiam hic  
Dorpati sumptibus Regijs fundavit, quæ veræ Doctri-  
næ Domicilium est: Orbis schola; virtutis Emporium;  
quæ Religionis palæstra est; in quâ brabeum honoris  
ambiunt certando virtutes; quæ castitatis domus; arx  
pudicitiae; templum honoris; & veræ virtutis curia-  
est.

Quod si fera animalia omni usu rationis destituta,  
suis benefactoribus gratitudinem exhibent; quantò id  
magis nos decebit, qui ijs multis parasangis antecelli-  
mus, & hujus nostri Divi Regis opus Regium, quan-  
tum in nobis situm, humilimè decantabim̄s.

Ac ne quis hoc ita dici ā me forte miretur, ac si  
S. R. M.ā ullis laudum Encomijs indigeat; cùm per se  
sic glorioſiſſima, omnibusq; ijs ornamentis, quæ ali-  
cui gloriam ac honorem conciliare solent, mirificè ſig-  
instructa;

260

Ut sunt, Virtutes, Pietas, Prudentia, nec non  
Justitia, & cuncti potior Sapientia rebus.  
Hac bona quicquid habet, Deus est mortalis, & idem  
Immortalis Homo, felix post facta futurus.  
Etenim Alexander Magnus, Heros ille maximus, & Solitudo  
Victor glorioſiſſimus, qui totum terrarum orbem sub-  
ſuam ditionem coēgit; laudem & gloriam non est a-  
ſternatus; sed tanti fecit, tantiq; aſtimavit, ut eos fa-  
lices terq; quaterq; depraedaret, quorum res præcla-  
rè gestas divinus ille Poëta Homerus æternitati conse-  
craverat.

Ut ergo potero, Serenissimi ac Potentissimi Princi-  
pis ac Domini, Dn. GUSTAVI ADOLPHI verè MA-  
GNI, Svecorum Gothorum Vandalorumq; Regis; Ma-  
gni Principis Finlandiæ; Ducis Esthoniæ & Careliæ;  
Dominii Ingricæ, &c. Domini & Regis nostri quondam  
Clementissimi, nunc Beatissimi, Heroicum & Divi-  
num illud factum, quod Regiam hanc Academiam  
GUSTAVianam, Dorpati ad Embeccam magnificenſi-  
simè fundare voluit; dicam reverenter.

I. A. si mihi ā vobis aures benevolas tribui conce-  
diq; ſentiam, perficiam, annuente Deo, ut factum hoc  
verè Regium humilimo consensu, ad sidera usq; ut  
efferatur, dignissimum eſſe profiteamini.

Christe, iava ſanctio Flamine coepit mea.  
Nec verè aliquis vestrum mirabitur, me in qua-  
ſtione tam gravi, tamq; illuſtri, cùm res agatur sancto  
in hoc Auditorio, hoc uti genere dicendi.

Namq; Altissim⁹, quando dividebat Gentes, quan-  
dō separabat filios Adam, & quando constituit termi-  
nos populorum; In hanc quoq; Regionem pevenerunt  
inhabitatores, quos Livones, Curetes & Esthones vo-  
caverunt.

Transitio  
Propositio

Petitio

Transitio

Narratio

initium  
ejusq; An-  
tecedens

caverunt. Terra fertilis, & quicquid ad necessitatem, ad oblectamenta deliciasq; à quopiam excogitari potest, producens; ut omnino singulari beneficio huic terræ favisse Deus & Natura videatur, cùm tamen ad profundam (proh) Idolomaniam olim prolapsi incolæ velut in Cimmerijs incitæ tenebris oberrarent.

Factum tamen singulari ex dispensatione Cœlestis Numinis, ut aborta repentinâ in mari tempestate, mercatores Bremenses, Anno supra millesimum & centesimum quinquagesimo octavo ad harum terrarum littora nolentes volentes deportarentur; qui initio armis ab indigenis impetiti; postea cum iplis fœdus Dunnundæ pepigerunt, & propugnaculum Østfjill exædificarunt.

Episcopum hisce in oris Alexander III. Pontifex Romanus à se confirmatum MEINARDUM constituit Anno supra millesimum centesimum septuagesimo; Huic successit Episcopus BARTHOLDUS, qui inclitam civitatem Rigensem extruxit; quem sequutus est ALBERTUS, cui anno millesimo ducentesimo quarto, Romæ Ordo Gladiatorius hac conditione ab INNOCENTIO III. est additus, ut quas terras Ethnicis eriperet, Ordo hic & ejus Magister possiderent. Sic primus Magister fuit VINNO, electus Anno Christi 1204, qui cùm Anno 1223. per insidias trucidatus esset, in locum ejus successit VOLVINUS, qui postea cum Magistro Ordinis Teutonici in Borussiâ egit, ut Ordo Gladiatorius Ordini Teutonico uniretur; Quod ipsum à GREGORIO IX. Pontifice Romano, Anno 1238. est confirmatum. Magistri Ordinis Teutonici numero quadraginta sex successivè præfuerunt.

Principiò quidem Episcopi & Ordinis Teutonici Magistri

262

Magistri huc in Livoniâ admodum fuere solliciti, ut vera Religio, Pietas, atq; Probitas incrementa sumeret: Verum mox (proh) Episcopi, qui Magistros Ordinis Teutonici in hanc terram introduxerant, ijsdem volvère esse superiores; quibus Magistri ordinis Teutonici cùm cedere nollent, bella Civilia sunt orta; Scholarum & Ecclesiarum curam nullū gessit: Vicinos Reges ac Principes insimul ad societatem belli sœpiùs pertraxerunt: Donec Magister ordinis Teutonici GWALTERUS à PLETTENBERCH, in ordine 41. diuturnam pacem Anno 1502. à Moschis extorqueret. Ille, Ecclesias & Scholas collapsas erigere cepit; Venerum, posterior ætas cùm Pacis ocio gauderet, securitati & voluptati se dedit; Sacra neglexit; genio indulxit: donec Anno 1557. Bellum Moschoviticum glisceret; quo tota ferè provincia Livonica in cineres est redacta; & eo, proh dolor, res processit, ut toto bello tempore nullam Religionis gererent curam, nulla Scholarum extruendarum haberetur ratio, sed verus orthodoxæ religionis cultus penitus ferè exularet.

Tantas calamitates, & tam miserrimum rerum Livonicarum statum miserati sunt Divi Svecorum retrò Reges; & in primis Serenissimus ac Potentissimus Princeps ac Dominus, Dn. GUSTAVUS ADOLPHUS, ille re & nomine MAGNUS, Rex quondam noster Clementissimus, nunc Beatissimus, permotus; Hanc terram ingressus, Gentes hostiles perdomuit, inq; suam potestatem hanc terram, annuente Deo, redegit.

Quo facto, suarum esse partium duxit, eō omnes animi nervos intendere, omnesq; ingenij cogitationes dirigere, ut Religio pura à teterrimo tenebrarum

Dominatu liberata, nitorem atq; splendorem acciperet; Veram religionem, Cimmerijs quasi tenebris involutam, denuò accenderet, accensam propagaret, propagatam ad seram usq; posteritatē sartam tectamq; transmitteret.

3. Ipsum hoc quo felicius ex animi sententiā procederet, Perillustrem ac Generosissimum Baronem Dn. JOHANNEM SKYLLĒ tribus hisce provinciis, Livoniæ, Careliæ & Ingricæ, regendis & administrandis præfecit: Sacra R. Maj. illi adjunxit Judices Provinciales, nec non supremum Judicium Aulicum hic Dorpati instauravit, quo suum obtineret Justitia vigorēm.

Digressio. Nec id immeritò; cùm Justitia sit virtutum omnium Domina; à quâ in omne hominum genus Leges & jura manārunt; quæ benefactis honores & præmia; malefactis ignominiam & supplicia proponit: Hæc studia Bonorum excitat; Hæc malorum improbitatē coërcet; Hæc Respub. salvas & illœcas custodit; Hæc societatem humanam stabilit: Contrà verò, Justitia sublatâ, non domus ulla, non Civitas, non regio, non ordo, non decor aut honestas, non ipsa deniq; universitas rerum ad momentum temporis consistere potest. O Clementiam Sacra R. Maj. Illustrissimā! O Clementiam ineffabilem! O beneficentiam nullis verbis, nullius hominis oratione satis exprimendam!

4. Nec destitit S. R. Maj. beneficia in Subditos suos quâm benignissimè collocare; sed in animo secum reputavit, Justitiam sine vero ac sincero religionis cultu florere neutiquam posse; Sed penitus pessum ire: Collegium ideo Regium Dorpati, Regio apparatu, majori pompâ, maximis deniq; sumptibus fundari jussit;

quod

262  
quod seminarium esset omnis Pietatis, omnisq; honestatis. O quanta! quanta hæc sunt, & quâm præclaræ futuræ sanctitatis rudimenta! O quâm firma, & quâm excellenter jacta sunt à Clementissimo Rege, futuræ quondam immortalitatis & gloriæ fundamenta!

Nec multò pòst S. R. Maj. Gymnasium quod hic Dorpati fundaverat, in celeberrimam & Regiam Academiam sublimavit; & Anno 1632. Academiam hanc ad Embeccam magnificentissimè introduci mandavit, Privilegiis Serenissimè illustravit, reditus è bonis propriis in Ingricâ sitis munificentissimè attribuit.

Omnés qui Pij sunt, tām Divinam S. R. Maj. Pietatem deprædicant: & pia Posteritas in æternum deprædicabit.

Consequens  
et repetitio  
Propositio-  
nis.  
Quia.  
Confirma-  
tio ejusq;  
Arg. 1. A  
rto Quia.  
Quis enim tām insolens, & ab omni humanitate remotus, qui Regium hoc opus non magnifacere, quâm primum humilimo animo cogitabit, quod Divus GUSTAVUS ADOLPHUS, Rex quondam noster Clementissimus, nunc Beatissimus, Regiæ hujus Academie sit Fundator?

Etenim, Divina Clementia in Divum GUSTA- Ratio 2;  
VUM ADOLPHUM, re & nomine MAGNUM; quascunq; sors humana admittit donorum virtutumq; prærogativas, copiosissimè transfudit!

Fulsit in Serenissimo Rege, vera in Deum Pietas; Fulsit, veræ religionis amor; Fulsit, singularis notitia Dei; quâm Essentiam, & Voluntatem Divinam in Lege, & in Evangelio per Christum pærefactam agnovit; Fulsit in eo, Timor Dei. Interiore cordis affectu, Deum ter Opt: Max: Cœli terræq; Creatorem, S. R. Maj. unicè dilexit, inq; eo cum quâdam latitiâ acquievit; certam habens propter Filium Dei juxta promissionem in

Evangelio expressam ac indubitatem vitæ æternæ expectationem. In adversis tolerandis, Deo obedivit; auxilium à Deo expetivit; & salutiferā in Christum fidē & spe, dolorem finivit, & usq; ad extremum vitæ spiritum bonam militiam militavit.

Dominus

4.

Diem sabbati cultui Divino consecravit; verbi divini ministros fuit: prædicationi Evangelij sedulò auscultavit; & id unicè egit, ut è normâ sancti omnia fierent.

Quid dicam? Et normam probi summo in precio habuit; quandò id egit, ut Liberi suos parentes honore debito prosequerentur: & Magistris animarum suarum obedirent. Ipsa S. R. Maj. laudabili exemplo alijs prævivit, quandò à teneris ungaviculis disciplinæ & Sanctæ institutioni se subjecit; quandò nil habuit vel prius vel antiquius, quām in Pietatis & Humanitatis exercitiis ætatis suæ florem consumere; quandò probè compertum habuit, magnum quidem esse Serenissimis & Illustrissimis Parentibus in hanc lucem procreari, & Augustissimā Familiā Celsissimum deprædicari; Sed longè majus, à primis statim ætatis annis, vita Probitati, morumq; sanctimoniaz studere; benè ac laudabiliter informandum se alijs præbere; mentis excolare aciem, ac lingvam expolire.

Hic, A. I. mecum considerate precor, Heroicum & nunquam satis deprædicandum factum, quandò S. R. Maj. de suis animi Informatoribus idem Clementissimè sensit, quod Alexander ille Magnus, qui & quales se Philippo parenti, & Aristoteli præceptor, gratias debere profitebatur; quod ab illo quidem, vitam; Sed ab hoc, benè vivendi rationem accepisset.

Quippè, liberalissimæ institutioni Consultissimi

&

263  
& Clarissimi Dn. JOHANNIS SCHYTTE, tum artium & Philosophiæ Magistri, tūm temporis ex Academijs exoticis, & variarum terrarum perlustrationibus, in patriam Reducis, auspiciatò cùm concretus esset, & feliciter in omni Divinarum & humanaarum scientiarum genere profecisset; tām clementissimo affectu, Sanctæ animæ suæ hunc parentem est prosecutus, ut ob exantatos accuratissimæ informationis labores, & singulares animi dotes, & incredibilem in arduis Regni negotiis dexterimè expediundis solertiam; & Divinam in Orationibus, tām ad publicos Regni concessus, quām Legationibus ad Potentissimos Europæ Monarchs, Principes & Respub: rectissimè obeundis facundiam; non modò amplissimis dignitatibus dignum æstimaverit; Verū Equestris Ordinis Liberi Baronatus insignibus ità condecoravit: ut gloriostissimè audiat, Liber Baro de Düderoff / Dynasta in Grönsjö & Stronstrum; Eques Auratus; SS. Reg. Maj. & Regni Sveciæ Senator, Supremus per Gothiam Judicij Præses Regius; Academiæ Vbsaliensis Cancellarius Magnificentissimus, & Finnoniæ Borealis Legifer æquissimus. &c.

Nec verò silentio involvendum, quod S. R. Maj. nullo non tempore subditos suos, sicut semetipsum dilexit; omnibus benefecit, nocuit nemini, profuit cunctis; Labores & pericula pro defensione Justitiae & Patriæ dulcissimæ, & salutis publicæ, suscepit.

Nec existimo aliquem rerum omnium tām futurum ignarum, qui ignoret, S. R. Maj. Concordiam in Regno propagasse; benevolentiam civilem in rebus secundis & adversis meruisse, sine simulatione & fuis sententiam aliis ostendisse. Omnes delectabant sin-

gularis ejus Humanitas; omnes, Affabilitas; omnes, Comitas & Urbanitas; cāq; vel maximā laude apud quaslibet Nationes, etiamnūm condecoratur, & in aeternum condecorabitur. Hoc Regenildici, nil fingi potuit humanius, nihil Affabilius; faciles fuerunt omnium ad illum aditus, benigna fuit in causis examinandis dijudicandisq; moderatio; benevolā querelarum auditio; &, quod pulcherrimum est, illa ipsa Majestas tantā Gravitate temperata fuit, ut cum omnes Humanitatem ejus amarent: Majestatem tamen summā venerarentur subjectione.

Castitatem, quæ virtus est servans munditiem animi & corporis cum Voluntate Dei congruentem, amavit, & continuò sibi in memoriam Distichon Philosophi revocavit, quandò inquit;

*Casta Deus mens est, casta vult mente vocari;  
Et castas iussu pondus habere preces.*

Quibus ita cognitis, liquidò constat, Academiz hujus Dorpatensis Fundatorē esse Serenissimum Regem Divum GUSTAVUM ADOLPHUM, MAGNUM Pietatis omniumq; Virtutum exemplum: Ille est Rex, cuius virtutes Serenissimas Magnanimitas stabilivit, Modestia conformavit, Castitas decoravit, Temperantia ornavit, splendor gloriae adæquavit; Ille, ille est Rex & Fundator hujus Academiz, in quo conspiciabantur vestigia & insignia Sanctorum, in quo beatissimorum Regum & Principum imagines resfulgebant; Ille ille est Rex, qui suis præclarè actis, Generosos docentium ac discentiū animos ad labores invitabat, quod Dei Gloria, tam Sancti Fundatoris immortalitas, totiusq; Regni prosperitas, in aeternum amplificetur.

Tam præclaræ Pietatis Gemma in S. R. Maj. mente cum

264

cum fulgeret; Aurum in manu sumpsit; &, Deo annuentes, celeberrimam hanc Academiam Dorpatensem fundavit; proprijs, ijsq; Regijs sumptibus erexit, & bonis Hæreditarijs in Ingrīa sitis, dotavit; Regaliq; Diplomatica Serenissimè stabilitivit; magnificentissimè concipiens, S. R. Maj. partium esse, Respub. in potestatem redactas amplificare; bonis ornare Legibus; conservare, ne quid in ijs committatur, quod in Deum cunctipotentem sit blasphemum ac impium; Exindeq; Academiam constituere, & Privilegijs iisdem, quibus gaudet Regia Academia Ubsaliensis, munire, & bonis in Ingrīa sīris ditare, verè Regium esse reputavit.

O Regiam potentissimi Regis nostri curam! O præclarissimas Reipub: Literariz augendæ cogitationes: quæ excelsum tanti Horois animum adeò sublimarunt, ut inter media etiam belli tonitrua, cum omnia clamore belligerantium personarent; quandò perstringebat oculorum aciem districtorum acies gladiorum, & fulgor multā cœde rubentium versabatur: omnem tamen animi voluptatem esse, sanctè reputaret; Gradivum Martem, Musas invenire comites.

Insigne decus & ornamentum Academiz addidit inaugratio solennissima.

Etenim Perillustris & Generosissimus Dominus, Dn. JOHANNES SKYTTE, Lib: Baro in Dudeross &c. Anno supra millesimum sexcentesimum trigesimo primo, mense Aprili, per publicam intimationem ad valvas Collegij affixam, juxa SS. R. Maj. propensam Pietatē, gratiosissimè indicavit, Deo annuente, Dorpati Regiam esse Academiam erigendam.

Quod ipsum cum humilimā mente devenerantur Livones, Anno 1632. die 21. Septembris, solennior ab

Arg. 3. A  
pompa in-  
troductionis  
Rat: 1. ab  
antecedentia-  
tibus.

ab Illustrissimo Dn. Generali Gubernatore, Clementer publicata est intimatio; quā Illustres, Generosissimi, Nobilissimi, & Amplissimi provinciæ Proceres, ad 15. diem Octobris, Anno 1632. invitati sunt, quō Academiæ Regiæ GUSTAVIANÆ inauguratio fieret illustrior.

Ratio 2.  
ab aliis ipsiis Dictus 15. dies Octobris, Anno 1632. postquam iluxerat, Auditorium majus Tapetis, Aulæis, picturâ & versicolori texturâ; spectabilibus pannis sericis, & omnis generis apparatu Attalico; ut & Templum D. Virginis, similiter fuit exornatum. In Auditorio hoc majore, ante Cathedram mensa magnificentissimè fuit adornata; in quam Regalia, Privilegia, Libri, Sigilla, & alia Academiæ insignia, flavo & cœruleo serico involuta, fuerunt reposita. Horam circiter octavam matutinam, omnes Civitatis campanæ impellebantur. Interea temporis, SS. Reg. Maj. Legatus, Perillustris & Generosissimus Dominus, Dn. JOHANNES SKYTTÆ, Liber Baro in Duderoff &c. in Illustri & solenni pompâ ex Aulâ Regiâ Dorpatensi ad Collegium Academicum processit. Illustrarunt hunc processum, Illustres, Generosi, Nobilissimi, & Amplissimi Dn. Legati, ut erant, à summo judicio Aulico Dorpatensi; à Proceribus & Nobilibus Livoniæ; ab Inclytâ urbe Rigeni, Revalensi, Dorpatensi, Parnoviensi, & Narvensi &c. hic magnificè transmissi. Post Dn. Legatos incesserunt Generosi, Nobilissimi, Consultissimi, Magnanimi, Præstantissimi, & Spectatissimi Domini & Viri, ut est, Castellanus Aulæ Dorpatensis; ceteri Assessores supremi Regij Judicij, quod Dorpati est; Præfecti & Tribuni militum, Nobiles provinciales, Reverendi Verbi Divini Ministri è Civitatibus & ex agris;

265  
agris: Ceteri è Senatu Civicò Dorpatensi, & Cives ejusdem Reip. & aliarum Rerump. plurimi; ut & alij Viri honorati, qui omnibus è terris Livonicis frequentes confluxerant. In Auditorium postquam progressi; Perillustris Dn. Generalis Gubernator Dn. JOHANNES SKYTTÆ &c. cum Hosptibus inclytis ad dextrū; Venerandi Dn. Professores, ad sinistrum Cathedræ latuſ considerunt. Chorus symphoniacus & piæ Preces, actum inaugurationis aperuerunt. Perillustris Dn. Generalis Gubernator, Oratione Panegyricâ ipsam mox solennitatem auspicatus est; Tempora hæc præ priscis felicia deprædicavit; SS. Reg. Maj. Magnificentiam, & in Musarum sacra Serenissimam Clementiam enarravit; propensum affectum promovendi Literas & veram Religionem in hisce terris Livonicis, commendavit. Fundatorem dixit Regem Augustissimum Divum GUSTAVUM ADOLPHUM, qui tot & tanta bella gessit! qui inter Martis castra vult Musarū illustrari Sceptra; qui, ne Mars unquam oblitus Livonicus, ex Ingrìa, ut terrâ remotoire, vult redit⁹ Musis hisce persolvi! Qui beneficium hoc commune statuit esse Nobilibus & Ignobilibus, Advenis & Indigenis! Qui ita optat omnia esse disposita, ut non per inanes ambages, sed apertâ & planâ viâ ad scientiarum penetralia Studiosi perducantur. Quibus graphicè & Oratoriè dictis, Inclytos Livoniæ Ordines & Status, Gratiostissimè admonuit, ut tantum DEi donum, & S. R. Maj. Magnificentiam, reverenter agnoscerent; & Academiam hanc, ut Capitoliū æternitatis, venerarentur, & illius commoda promoverent. Ipsos mox Dn. Professores omnes & singulos, Sancti admonuit officij; Nobilem & Studiosam Juventutem, suarum

C

quid

quid esset partium ne unquam oblivisceretur, unicè est adhortatus. Hinc Diplomata, Privilegia, Indulta, Regalia, Insignia, Sigilla, Scepta, Epomisdem, Privilegiorum & statutorum Libros, ipsamq; Academiac matriculam, Clariss: Dn. Professorib⁹ tradidit & commendavit. Mox jussit, ut Academiac Secretarius, Regium fundationis Diploma publicè recitaret: Itēm, ut Catalogum Dn. Professorum & Professionum publicaret. Quibus ita peractis, Professor Eloquentie Clariss: Dn. M. HENRICUS OLDENBURGIUS, DEO, SS. R. Maj. Perillustri Dn. Generali, Illustrissimis omnibus ac singulis Regni Proceribus, respectivè, humilimas & humiles egit gratias; Facti magnificentiam deprædicavit; & diligentiam nomine totius Academiac reverenter promisit. Hinc, uti à choro symphoniaco principium; Ità & Musicā figurali actus hujus Panegyrici in Auditorio finis esse cepit. Symphoniaco finitā jam gratiarum actione, Perillustris Dn. Generalis Dn. JOHANNES SKYtte, Liber Baro in Duderoff &c. quo comitatu accesserat, eodem ordine in ædes D. Mariæ se contulit; adytum Templi serico ornatissimum, est ingressus; quandò interea Dn. Professores in collegio ad mensam, in quâ Regalia Academiac & alia ornamenta reposita erant, accesserunt, & reverenter acceptarunt: Et jusserunt, ut ministri Academicci, mensam cum Regalibus in Adytum Templi D. Mariæ transferrerent. Hinc progressi sunt Dn: Professores, & alterum latus in adyto templi occuparunt; quos in processu immediate seqvuti sunt ministri Academiac, ferentes mensam cum Regalibus &c. & ante Dn. Professores deposuerunt. Post secuta est Nobilis & Studioſa Juventus. Interea choro Symphoniaco omnia in templo perso-

265

personuerunt: Indè Rev: Nobilissimus, & Clariss: Dn. ANDREAS VIRGINIUS, SS. Theol. Doctor, & Psal. 117. sacram concessionem habuit; quâ finitā, Musica Figuralis exaudiebatur. Postea Rev: & Clariss. Vir Dn. GEORGIUS MANCELIUS, SS. Theol. Licent: & Professor, ut Magnificus Dn. Prorector jam olim constitutus, positam ante aras egregiè exornatā Cathedram ascendens, orationem solennem recitavit de Conscientiā; omnia ad actum Panegyricum hunc accommodavit; Et huj⁹ Academiac GUSTAVIANA Magnificentissimum Dn. Rectorem, solenni ritu & Illustri Ceremoniā declaravit Perillustrem ac Generosissimum Dominum, Dn. JACOBUM SKYtte, Liberum Baronem in Duderoff &c. & Prorectorem nominavit Dn. D. ANDREAM VIRGINIUM. Magnificentissimus & Perillustris Dn. Rector, habitā solenni Oratione, Serenissimi ac Potentissimi Regis ac Domini Divi GUSTAVI ADOLPHI, Svecorum Gothorum Vandalorumq; Regis; Magni Principis Finlandiæ; Duci Esthoniæ & Careliæ; Domini Ingric &c. Domini & Regis quondam nostri Clementissimi, nunc Beatissimi & Gloriosissimi, dixit encomia: Dn. Professorum studia deprædicavit, Studiosos ad Musarum cultum provocavit. Oratione finitā, Magnificentissimus Dn. Rector subsellia Dn. Professorum occupavit: Musicus personuit Chorus & Organa. Tandem accessit Magister Palatij, & signum dedit discedendi. Ipse præcessit, quem è vestigio sunt secuti cum sceptris ministri Academiac: Magnificentissimus Dn. Rector & ceteri Dn. Professores solenni pompa insequebantur. Postea Perillustris Dn. Generalis JOHANNES SKYtte, Liber Baro in Duderoff &c. cum Dn. Legatis & alijs Hospitibus in illustri pompa progressi

gressi sunt. Tormenta bellica majora & minora, insignum gratulationis per totius Civitatis circuitum plus vice simplici exonerabantur, adeò ut dices,

Crebris micat ignibus æter.

Plateæ è Templo D. Mariæ in curiam ducentes, ab utroq; latere fuerunt milite armato ex ordine repletæ.

Ratio 3.  
consequen-  
tibus.

Quod reliquum fuit diei, Regali convivio in curia ordinato, non sine piâ & devotâ lætitia est transactum; sequentes dies, Perorando, Disputando, & actu Promotionis in Philosophia, sunt transmissi; Et quis singula dixerit?

Mario.

Laudibus olim extulerunt Theodosium II, quod Academiam Constantopolitanam fundaverit; Papiniensis & Parisiensis universitas, Carolum Magnum celebrant; Cantabriensis in Britanniâ, Sibertum; Cracoviensis in Poloniâ, Casimirum II. Rostochiensis, Jo-hannem & Albertum Duces Megapolenses, decantant. Quanto magis nobis incumbit, S. R. Maj. per totum mundum deprædicare, qui hosce apud populos, qui olim vi, armis, & ferro impliciti tenebantur, veram Evangelij lucem magis magisq; accedit, Scholas & Academias extruxit, in quibus docentur & excoluntur studia liberalia, quæ adolescentiam alunt, senectutem oblectant, secundas res ornant, adversis per fugium ac solatum præbent; quæ delectant domi, non impediunt foris, pernoctant nobiscum, peregrinantur, rusticantur.

Arg. 4.  
tò quo-  
modo.  
Ratio 10.

Factum hoc Regium, illustrius reddit, quod S. R. Maj. omnia prudentissimè constituit.

Constituit enim Academæ hujus unum esse Corpus, constans in quatror Facultatum, Theologiae, Jurispru-

risprudentia, Medicinæ, & Philosophia Collegijs; cuius corporis caput unum esset, Rector Magnificus.

265.  
Ordinavit; & Clarissimis Dn. Professoribus Clementissimè in mandatis dedit, ut omni studio, omni curâ, omniq; nisu in id incumberent, ne quid in Academiâ hâc Dorpatensi, publicè privatimq; quisquam, cujuscunq; esset ordinis aut conditionis, doceret ac proponeret, quâm quod congrueret cum fundamento S. Scripturæ, cum Augustanâ confessione invariata, quæ Anno supra millesimum quingentesimum trigesimo, Carolo V. exhibita, & postea in Synode Ubsaliensi, Anno 1593. repetita est.

Constituit, ut Professione aliquâ vacante, Facultatis Decang⁹ trigesimum intra diem proposito programmate omnes Professores invitaret ad nominandum a-lium, & interea quisq; secum dispiceret de Viro ei professioni idoneo. Præcepit, ne Dn. Electores rationem haberent gratiæ, propinquitatis, aut affinitatis, aut amicitiæ, aut ullius privati commodi, sed publicæ utilitatis & salutis Academæ.

4  
Voluit Dn. Professorum præcipuam curam esse, ut Juventus recte informaretur, & sine ambagiis ad rerum non fucatam cognitionem duceretur.

5  
Magnifico Dn. Rectori injunxit, diligenterq; mandavit, ut inspiceret, ne Dn. Professores Disputationum & Lectionum exercitia negligerent.

Nec immeritò; cum omnibus in confessio sit, nihil esse, quod non acerrimè contempletur ingenio-sissimus Lector & Disputator; Nihil ita occultum, retrusum ac divinum, in cujus cognitionem discursuum conflictus se non insinuet.

Animo saltem nobiscum concipiamus, quantum secum

C 3

Digressio

Ratio in  
genera-

secum habeant Lectiones & Discursus publici vim ; quantum fructum , quantum frugis ac utilitatis Republicæ literariæ conferant : lisdem ingenia Juvenum perpoliuntur , vires ingenij maximè intenduntur , varij animi motus cohibentur , mentis acies exacuitur ; dubitationes omnes , quæ animum dubium ac incertum suspendebant , radicibus ecelluntur ; lingua promptior redditur .

Nil de ingeniosissimis Philosophis dicam , qui legendo & disputando rerum admirabilium , quæ in terris nascuntur , causas demonstrant ; qui fruticum , qui arborum , qui animalium ortus , progressus , naturas & vires perseqvuntur .

Medicorum exercitationes prætero , quæ in ea medice inquirent , quibus vitam & valetudinem quietur .

Sicco pede prætero , Consultissimos Jurisconsultos , qui de ratione instituendæ vitae differunt , qui de moderandis affectib⁹ agunt ; qui docent , quid æquum , quid justum , quid faciendum , quid omittendum .

Taceo utilitates ex Rev. Theologorum exercitijs & disputationibus promanantes recensere ; quando Sophismata adversariorum refelluntur , hæreses deteguntur , vera ac genuina scripturæ sententia inquiritur , inquisita stabilitur & confirmatur .

O medium verè divinum , quo falsarum opinionū temeritas diripitur , omnis inanitas ac error amputatur ac circumciditur , vitiorum fibræ ecelluntur , errorum stirpes eliduntur , dubitationis semina extingvuntur ! O consilium S. R. Maj. omni exceptione majus , omni Encomio superius !

S. R. Maj. hinc Clementissimè mandavit , ut Svadæ Professor,

Professor , hos , qui ad Eloquentiæ laudem adspirant , fideliter doceat ac erudiat , usumq; monstret in exemplis è Sacris , Prophanis , & rebus Regni quotidianis , depromptis .

Quippè magna est Eloquentiæ laus , magnum u-  
sum habet in omni vitâ . Digressio.

Quemadmodum enim nullus cibus tam preciosus inveniri potest , qui , si sale careat , aliquam savitatem in se habere videatur ; ita nulla ars , nulla scientia ope eloquentiæ destituta , splendorem aliquem ac nitorem habere potest . Et ut venusta ac decora hominum corpora sordibus contaminata , tegumentis lacrīs circumsepta , pulchritudinem omnem & eminentiam amittunt ; Sic universa Philosophia , ceteræq; cunctæ Facultates , nisi beneficio Eloquentiæ fulciantur , omni gratiâ , omniq; venustate ac lepore excidunt ; contrà , quemadmodum Viro , & magnificæ vestes , & ornata dom⁹ , non nullam adferunt dignitatem : Ha verborum splendor & ordo , quadam maiestate velut exornat Oratorem . In artificiosa enim rerum & verborum compositione , non modò jucunditas , perspicuitas & vis major est : Sed ( quod dicere mihi licet ) stupor audientium & admiratio , Perorantem non hominem , sed D̄Eum quandam inter homines videri velut efficit .

Quid dicam ? Constituit S. R. Maj. ut in hac Academiâ omnium Facultatum Studiosi , Pietatem colerent , Religionem Orthodoxam addiscerent , Biblia quotidie mane & vesperi legerent , D̄Eum rectè & ardenter invocarent , ad honorem & gloriam D̄Ei , ad incolumitatem hujus Inelyti Regni , omnia referrent . Seriò inhibuit , ne nomen Domini vanè usurparent , vel

vel Epicureis sermonibus spargendis, vel corruptelis  
veræ doctrinæ defendendis, vel Magicis præstigijs;  
sed crebris audiendis concionibus, publicæ precatio-  
ni in templis, & gratiarum actioni, similibusq; san-  
ctis negotijs & operibus, omnes & singuli interessent.  
Præcepit, ut Magistratum, Parentes, Præceptores omni  
honore afficerent; gratitudinem ijsdem exhiberent,  
legibus honestis & Academiæ piè morem gererent;  
singuli ab omnibus injurijs, à seditionis tumultibus,  
ab ædium oppugnationibus abstinerent. Legibus ca-  
vit, ne vas & corpus suum, libidinibus vagis pollue-  
rent; sed justi pudoris decus, reverenter tuerentur;  
suas res, honestè augerent; Veritatem in contracti-  
bus, in sermone, in gestu, in voce, in moribus, in  
iudicijs, in tota vita colerent, amarent, & constan-  
ter amplecterentur.

Singularem meretur laudem, quod S. R. Maj. omne  
æmular procul abesse voluit; & proinde singulis Fa-  
cultatibus suum constituit Decanum Spectabilem, qui  
in ejus Facultatis Studiosorum disciplinam & mores  
sedulò inquireret, privatorum publicorumq; exerci-  
tiorum curam gereret, Theses inspicceret, deq; eis ju-  
dicaret.

Toti Universitati Rectorem præfecit, qui in id o-  
mnes animi nervos intenderet, ut pura Evangelij do-  
ctrina, omnesq; Artes & lingvæ, DEo gratae, & Eccles-  
ia atq; Reipub: utiles ac necessariae, Juventuti propo-  
nerentur: qui, quæ ad dignitatem Academiæ, mun-  
erisq; concreti administrationem pertinerent, di-  
ligenter procuraret; qui aciem oculorum in omnes  
Republicæ literariae partes intenderet; &, vitium si  
quod enasceretur, anniteretur, ut citissimè tollere-  
tur,

269  
tur; Justitiam & æquitatem in dirimendis eaufis, in  
distribuendis præmijs, aliisq; negotijs publicis geren-  
dis, servaret.

Ordinavit duo Consistoria Academica, quorum  
Minus, in rebus gravioribus: Majus, in maximè mo-  
menti rebus, totum Academiæ statum concernentib⁹,  
convocaretur.

Et quis singula dixerit? Illud saltem dico, quod S.  
R. Maj. Decano hanc potestatem tribuit, ut si essent,  
qui exantlatorum in studijs laborum brabeon hone-  
sto ambitu peterent, examine tam publico quam pri-  
vato peracto, veniâq; à Magnificentissimo Dn. Can-  
cellario imperatâ, adhibitis usitatis ceremonijs, pro  
authoritate, quam fungitur, Gradum vel Magisterij  
vel Doctoratus, illustri ceremonia & solenni ritu ijs-  
dem conferret.

Quid superaddam? Factum Divi Regis maximo-  
perè commendat, quod Regiam hanc Academiam in  
meditullio Livoniz, in loco illustri & Muis conveni-  
enti, & celebri quondam illo Emporio Dorpatensi,  
extrui voluit.

Etenim, Dorpatum, DEo annuente, summa cœli  
gaudet commoditate, summa aëris tranquillitate &  
serenitate. Hic hortos amoënos reperire licet, quibus  
laboribus fracti, mirificè oblectant & recreant; Hic  
flumen Embecca, aquis limpidissimis & optimorum  
piscium copiâ scatens, cursu velocissimo decurrit;  
Hic fons Jacobi è monte cathedrali exsilit & prorum-  
pit saluberrimè, cuius aqua olim vim medicam con-  
tra omne morborum genus habuisse dicitur; Hic ar-  
bores undeqaq; proceræ; hic arborei fœtus, hic in-  
jussa virescunt gramina; hic segetes fertilissimæ, alijq;

ornatus oculis nostris obversantur: Nullæ auribus percipiuntur nocturnæ grassationes, nulli clamores, nulla jam ( Deo sit laus ) hostium irruptio, nullus opificum tumultus, nullus ab insidijs metus. Nullæ cœdes, nulla violenta oppressio; floret Pietas; candor ingenuus enitet; Probitas emicat; exulat omnis perversitas, omnis fucus, omnis adulatio, omnis inhumanitas.

O Quanta felicitas nobis, Dorpati literis incumbentibus, contingit! quæ alibi alijs, qui desiderio literarum tenentur, patriæ finibus relictis, minimè obvia est, quandò sœpiùs obruuntur injurijs, sœpiùs morbis gravissimis inficiuntur; fortunis, & bonis sœpius spoliantur, in latrones incident, persœpè insummam paupertatem redacti, seposito artium liberalium studio, ad res viles & sordidas animū suum applicant, ad quas tamē nonnulli, ductu naturæ minime obstructi videntur, cum dotibus ad bonas literas necessarijs non solūm naturā sint instructi, sed & naturali ad illas inclinatione propendeant; & verè nos Studiosos, qui Dorpati vivim⁹, terq; quaterq; beatos, quibusstant a se offert Studiorum commoditas, tanta jucunditas, tantus beneficiorum cumulus.

Verūm, A. I. dum totus feror in Regij hujus operis deprædationem, sunt, proh! Filij Babil, qui id veniunt impugnatum.

Et cum, per DEI gratiam, inclita sit Academia Ubsaliensis; ad parcendos sumptus, unicam illam Regiam Universitatem, toti Regno sufficere, habiuntur.

Atat! & superciliōsè cœcos, & cœcè superciliōsos! quorum dictijs ne moveamur, opera precium est.

Etenim

270  
Ratio &  
Solutio 2a

Etenim, si sunt qui Thesaurum expetunt: Academias, sunt Provincias & Regni maximus thesaurus: sunt, ut Equus quidam Trojanus, ē quo prodeunt Illustriss: Regni Senatores & Consiliarij, qui in respondendo prompti, in consulendo prudentes, in agendo cauti: qui sunt præterita scientes, habentes cognita præsentia, & futura prospicientes; qui, quid cum Legibus conveniat, quid cum ijsdem pugnet, accuratissimè discernunt. Ex Academicis agris propullulantij, quos Persarum Rex Cyrus inter primos educandos ac instituendos sibi duxerat, qui Legatorum aliquando munus obirent, quibus ad munus tam amplum opus est ingenio excellenti, ut quæ peragenda sunt, prudenter inveniant, & Auditorum animos svavitate quādam dicendi perfundant.

In hortulis Academicis, Illustrissimorum Principum animi illustrantur, ut imperium non modò saluum, sed etiam longè florentissimum exoptent: In Politicis exercitijs, quæ in Academijs ventilantur, edocentur, nihil earum rerum esse prætermittendū, quæ ad imperium & subditos defendendos spectare videntur.

In & ex Academijs progerminant Archiepiscopi, Judices provinciales, Legislatores, Consules, Rerum publ: Senatores, Secretarij: Et quis singulos Viros unā serie enarraverit? O verè divinum Regni ornementum, quod dum effero, lingvā hæreo! Magna res est Academia; excitat ad admirationem! rara res est, excitat ad amorem! Divina res est, excitat ad stuporem! Contrà, quibus in Rebus publ: Academias non florent, ibi nulla æquitas in tribunalibus, nulla severitas in pœnis, nulla Fides in testibus, nulla Ratio in Judicijs,

D 2

nulla

Mario.  
nulla Gravitas in concessibus; Exultat Industria, jacet  
humus prostratus Patriæ amor, sepelitur Humanitas,  
langvet Virtus.

Sic sancta Academia, est vita & anima Regionis,  
virtutis dux, monstratrix & expultrix vitiorum; sine  
quā non modò nos, sed omnino vita hominum esse  
non potuisset. Academia nos ad DEI cultum revocat;  
ab animo nostro, tanquam ab oculis, caliginem dis-  
pellit, vitia extrahit; medetur animis; sollicitudines  
detrahit; cupiditatibus pravis liberat; pellit timores.

Hinc, pluralitate Academiarum meritò beatum-  
se esse Regnum judicat; quando Studia Literarum  
sunt fidelissimi vitæ duces, quibus afflictos consola-  
mur, quibus cupiditates, iracundiamq; restingimus;  
quorum maiestate omnia vitæ ac fortuū ornamen-  
ta decorantur; quibus humano generi nihil majus  
ac clarius, nihil honestius, nihil dulcius, nihil præ-  
clarius concedi potest.

Taceo, quod requirat plures Academias Inclu-  
tum & Amplissimum hoc Sveciæ Regnum, quod tam  
multis Civitatibus, tam multis Castellis, tam multis  
Oppidis, per DEI gratiam, est perspicuum & illustre.

Oculos circumferatis ad exterarū Nationum im-  
peria, & in Angliâ inveniem⁹ duas Academias, Oxoni-  
ensem & Cantabriensem; In Germaniâ Viginti septē,  
Argentinensem, Altorfensem, Basiliensem, Colonien-  
sem, Dilinganam, Erfordiensem, Francofurtensem,  
Franekeranam, Freiburgensem, Giessensem, Gryphi-  
vvaldensem, Gröningensem, Heidelbergensem; Helm-  
stadiensem, Ingolstadiensem, Lipsensem, Lovaniensem,  
Leidensem, Marpurgensem, Moguntinam, Re-  
giomontanam, Rostochiensem, Rintelensem, Treve-  
reasem,

rensem, Tübingensem, Viennensem, Witebergensem.  
In Galliâ sedecim, Andegavensem, Avenionensem,  
Aurelianensem, Bituricensem, Burdigalensem, Dola-  
nam, Duacensem, Ligdunensem, Monspeliensem,  
Nannesensem, Parisiensem, Pictaviensem, Rhemen-  
sem, Tholozanam, Valentinam, Cadurensem. Taceo,  
quod in Hispaniâ Viginti; in Italiâ, Undecim in-  
veniamus Academias: Et essent, qui inlyto Regno Sve-  
cico, hanc GUSTAV Ianam, quæ Dorpati est ad Em-  
beccam, invidenter Academiam?

Ah! Mentis bonum præ manibus habentes non Mario,  
cognoscunt antè, quām amittatur!

Vos verò, A. I., humilimè mente devenerabimini Pereratio,  
Serenissimi ac Potentissimi Principis ac Domini, Dn.  
GUSTAVI ADOLPHI, Svecorum, Gothorum Van-  
dalorumq; Regis, Magni Principis Finlandiæ, Ducis  
Estoniæ & Careliæ, Domini Ingricæ &c. Domini &  
Regis quondam nostri Clementissimi, nunc Beatissi-  
mi, verè Divinam & Regiam animi Serenitatem, quan-  
dò Academiam hanc Dorpatensem fundavit. Ha-  
bet, annuente DEo, hæc Academia Authorem eum,  
qui cultum DEI atq; Pietatem rebus omnibus antepo-  
suit; Qui patriæ Pater, Clementiæ imago, Justitiæ tri-  
bunal, Consilij Oraculū, Prudentiæ delubrum, Man-  
suetudinis sacrarium, Fortitudinis Heroicæ columen,  
Fortunæ domicilium, & virtutum thesaurus fuit. Re-  
giam Pietatem deprædicavit solennis inaugura-  
tio celebritas, populi ad eam convocati illustris fre-  
quentia, Insignium traditio, Professorum designa-  
tio, Privilegiorum concessio, beneficiorum contri-  
butio. Divina res est, quæ huic terra Livonicæ est  
collata, ut nihil jam ad humanos usus requiri videa-  
tur;

*Amplificatio.*  
tur, cuius copiam, DEodante, suā sponte Livonia non  
ferat, aut abundē flumina comportent.

A. I. Centurionem, cuius meminit Evangelista, omnes amore summo complectebantur, summis laudibus extollebant, in eoq; omnes, unā cogitationes, lingvas, oculosq; defigebant, quod synagogam ædificaverat, dicentes; Dignus est, Domine, cui auxilium præbeas; quia diligit totam nostram gentem; synagogam ipse nobis exædificavit: Ah! Quanto magis summā niti ope nos decet, ut humilitatis animis deprædicemus Regem nostrum Clementissimum, Divum GUSTAVUM ADOLPHUM MAGNUM; & Filiam ejus Heroinam Inlytam, Serenissimam ac Potentissimam Principissam ac Dominam, Dn. CHRISTINAM, Svecorum, Gothorum Vandalorumq; Reginam; & Principissam Hæreditariam: Magnam Principissam Finlandiæ, Ducissam Esthoniam & Careliam, Dominam Ingriz &c. Dominam & Reginam nostram Clementissimam; quorum vita, omnibus virtutibus tanquam stellulis illuminata; summam Pietatem, summam Fortitudinem, summam Felicitatem redolet, quando Academiam hanc nostram erexit, erectam Privilegiis insignibus munivit, munitam ad seram usq; posteritatem conservatam cupit? O Regium beneficium, quo majus nullum, cuius laus, cuius fructus, cuius fama, in cunctas terræ partes penetravit, cuius memoriam nunquam est deleturæ oblivio, cuius vestigia in perpetuum sunt duratura!

*Affectionatio.*  
Jam ad te, DEus ter Opt: Max: omnes nos convertemus, à tua Majestate suppliebus contendimus precibus, ut Spiritu tuo Sacrosancto, corda nostra firmare, & animos illuminare digneris, ut Regium hoc bene-

272  
beneficium omni tempore grata mente agnoscamus, piāq; recordatione excolamus, & tibi vota æternū persolvamus. Conserves, O DEus, Regum Rex, & Dominus Dominantium, Clementissimam nostram Reginam cum Matre Serenissimâ, quam Clementissimè. Largire, ut quidquid fuit in Heroë Parente Pietatis & Excellentiae, & in Matre Serenissimâ Virtutis ac Majestatis; totum hoc, animo, Illustrissima Proles Heroïna, complectatur. O benignissime DEus, & Veneranda Trias, serva Illustrissimos Regni Proceres, ut Luminæ & Columina, quæ patriam nostram ritè recteq; administrent; Regiam hanc nostram Academiam, & venerandos Dn. Professores, Præceptores unicè honrandos, rege, ut officio suo sancto cum voluptate animi perfungantur. Et nos omnes, qui in Inlyta haec Academiæ Musis operam navamus, benignè ac clementer rege, & sancta benedictione cumula, ut salutaria Ecclesiæ & Reipub: simus organa.

D I X I.

*Præstantiſ. & Humaniſ.*  
Dn. PER ORANTI.  
BOTVIDUS JONÆ HELLENIUS.

*Per Anag.*

TV, ô BONE JHESU, ILLA VIDENS.

R Egium opus, ditare bonis Academicæ tempe:  
O, BONE TV JHESU, fada bona ILLA VIDENS!  
Perze, opus ô DIVI GUSTAVI dicere ADOLPHI;  
Illi Herolæ, Magnus Martis & ARTIS honos.

Ap.

LAURENTIUS LUDENIUS, J. V. D. & Prof.

Quod peperit virtus vivit post funera nomen,  
Nec tumulus meritam sepelit cum corpore laudem.  
Facta Ducum vivent, quæ non oblivia longa  
Vincent; ast animos hominum mentesq; perurunt.  
Sic vivit factis noster GUSTAVUS ADOLPHUS,  
Cujus nota viget terrarum fama per orbem,  
Cui rebus gestis quæ sita est gloria multis.  
Militiae quisquam vix calluit aptius artes,  
Pluraq; nemo suis commisit prælia signis:  
Belliger undè fuit meritò sic dictus Achilles.  
Non tamen ingenuos Musarum sprevit amores,  
Sed celebres magno dignatus honore Camœnas.  
Dante Deo, postquam Dorptæ data cura regendæ  
Hic erecta fuit Clarijs ACADEMIA Musis.  
Barbaries dedit acta fugam, dulcesq; Camœnæ  
Sanctis auspicijs posuere cubilia lata.  
Quarè magnificis extollent laudibus omnes  
GUSTAVUM MAGNUM, quem semper in orbe canemus,  
Regalis veluti pietasq; fidesq; meretur.  
Hoc dum cognoscit BOTVIDUS frater amandus,  
( Cognitus est multis mihi pridem rebus Amicus )  
Concipit & secum doctâ meditatur avenâ  
Ut sanctæ Regis referant Encomia laudes.  
Gratulor inde tibi, sic, Christo præside, pergas,  
Ingenium & perges doctas efferre per artes,  
Perge bonis avibus, felici sidere perge,  
Cùm patriæ fructus solves aliquando decentes,  
Tunc Ars fulgebit tua, tunc remanebit honorosq;

Amico & sympatheti fraternè colendo  
gratulabatur

Johannes E. Stregensis, Svecus.